

吳宮保飛鴻亭稿序



宮保吳公之葵也華亭存齋徐公
其奏疏安陽東野郭公莆田礪峰
序而傳之乃公飛鴻亭稿冢孫伯度
集十餘年始克成集而又附以公年譜
二卷飛鴻亭者公解政歸晚而娛老于
此者也恭惟



肅皇帝英察馭下神聖莫及維時廷臣惴
惴焉震雷霆而揭日月獨公進則握鑑
清朝退則考槃詠言以自樂每稽首嘆
曰臣老矣何以得此于

聖明哉故飛鴻言冥冥何慕也然公當時
寔以三事受簡上心曰治河賑饑禦叛
徐沛之役截漕糧數萬發之而後請命

皆令甲所不載而師尚詔之攻宿州也
公方謁

陵還非有勁守抱孤城當賊譚咲指顧卒
以蕩平至於隄築草灣尤多冥感以三
事江淮之人至今能道之而

肅皇帝亦以此慰勞寵賚非一旦數問中
貴人侍郎頡而髯者安在其特達被遇

如此公由郎署敷歷中外近自

帝鄉遠自安南輜軒節旄之所及往返萬里餘而矻矻頭白者亦已四十年所矣度公肅夜馳驅休沐不暇頽安得此師心之語而稱之蓋公嘗一典試三督學元以文章著聞于時故其集中先後所載莫不博大闡衍韶爽簡易既無懶祭

狐綴之煩而亦無蟲雕鵠刻之巧宗工制作盡于此矣余由此仰見

肅皇帝中興元炁盤礴聚為文獻比時三事大夫皆以練敏綜核精心相應無敢操空言罔上而出其餘力矢為昌言尚能斧藻丹青以章

聖天子一代人文之盛公其一人也猗與

休哉公勲猷已見於年譜奏草其孫伯
度負千里才而逡巡以病輟然翩翩博
雅君子也復于二書外檢括遺文不遺
餘力遂成二十卷而公之苦心隱行及
當時朝典可否損益之故皆庶幾可攷
焉嗚呼今世文章家豈少哉無伯度則
名山之藏散而飽蠹轉展支離于甕盎

几牖之間者不少矣余喜公之有後而
且重感于是集之獲傳也故許而命之
序

賜進士及第光祿大夫太子太保吏部尚
書兼

建極殿大學士知

制誥 經筵

國史會典總裁予告太原王錫爵撰

飛鴻亭集卷之一

秀水吳鵬萬里父著

長孫惟貞校梓

詩

征南行

公奉勅詔諭安南莫福海時作事載年譜

明皇御寓垂八葉疆理畿荒功截業湛息湯漢競
遊原玉節焱浮咸怖攝上為天關掃挽捨下為地
窟驅妖孽葱山蒲海屬提封大宛越裳通侍子胡
然南荒八夷肆蜂虿冒投法網干天紀我皇赫然

飛鴻集 卷之一
按劍揮紫宸肆闡威靈問不臣金符亟拜大將軍
分馳羽檄如飈雲興言頗牧不足數却為周家憶
方虎廼知聖意慎佳兵本來不殺稱神武疇咨僉
協蔡中丞壯猷元老偕儔伍承恩立召明光宮鐵
冠豸服裁罷熊羆赴夫子本天授往進夢卜徵神
通具陳方略在征東即稱意旨歡宸衷勅從鷹揚
萬騎虎手授七尺青神龍拂拭蓮花光射獵持之
聞外專成功君不見嵯峨鯨觀示渥窪中有白骨
撐攢如亂麻又不見干羽雍容舞帝居單于來服

隨天樞漢家武皇好斥遠軍興擊胡無虛年定襄
出驃騎旣越度樓舡一旦凜凜秋蕭瑟萬里揚白
吹飛蘆歌臺之詔徒空言烽火猶自防強胡度越
前王豈在茲朝廷亦為東南思薄伐之師有成美
無使金鏃多淫夷吾聞高陽生伏軾東降七十城
廼况重臣持節遠橫行前驅玄武後飛廉蒙茸鞞
霄馳天聲為宣皇恩待不淺會湏面縛求全生南
粵濤平毒霧澄旌旄慧掃蠻烟清望海封溪咸郡
縣伏波銅柱俄崢嶸伏波老將功奇絕浪泊沙頭

戈染血何如談笑淨妖氛坐揮白羽馬蹄齧歸來
高画麒麟臺剖符割壤揚麻烈

和龔雲岡澄心堂夜集長句

參閱藩政時作

使君意氣凌紫霄山堂置酒臨岩堯清時嘉會有
上客獨慙朽質能相招開顏試倒百壺了平臺日
落棲歸鳥興酣那問夜如何傲岸乾坤不知曉北
海天才峻且深司成名譽超儒林蒼鷹赤驥均殊
特鬢髮况謝霜華侵玉塵頻揮發玄妙蟻尊添續
資吟嘯花前真作少陵狂馬上拚同山簡笑石欄

點筆拂松烟詞源倒瀉翻長川極知麗藻追前輩
更遣風流動四筵城東月出懸孤鏡爽籟依微徹
清聽步屨徘徊榕樹陰浩歌促醒天雞暝芝蘭何
幸竊餘芬合沓聳華早已聞豪飲只今逢李白問
奇兼喜得楊雲會稽蘭亭越千紀剡溪雪夜舟無
幾人生樂事不可常坐惜飛光共頽靡瑞靄春回
五鳳樓周南司馬詎淹留他時記取薇垣宴好寄
新詩浙水頭

龍門峽

中原昔有龍門山，愚公移此開百蠻。長天不斷雲
片片，寒日每見花斑斑。艱險何啻子午谷，往來如
涉咸陽關。峽中醉臥笑漁父，孤舟自伴羣鷗閒。

放魚行

蘭舟晨發秋江曲，馬峽灘平波漾綠。長嘯偶驚龍
伯宮，飛上錦鱗光。睖玉呼童亟取付，水中萬里波
濤隨。烈風野老何心惜，微物邇來四海多。疲癯

大劫灘行

峻山抱江賊負險，豺虎噬人無時無。乾坤萬古恐

留此，每令赤子罹置羅。江南土風吾所愛，田餘稻
稔圃餘菜。先生何不歸去來，自昔垂堂有明戒。

魯橋關

魯橋水關十日塞，千舟萬舟行不得。我來繫纜枯
樹根，長年費盡推移力。推爐夜坐心茫然，誰為涸
鱗假餘息。聖朝多是康濟才，此道何為塞如棘。
鷄鳴扶桑初日暎，明朝我試長風翼。

○○題壺隱卷

朝來雨初收，青松若膏沐。西日晚遲遲，光動咸池

浴陰晴互變化。天心見來復。嗟嗟淺狹流。刀錐競
口腹。得隴還望餘。日苦不自足。豈如壺隱翁。披褐
懷其玉。秋種瓜。秋繁。春條桑。葉沃。門停長者車。坐
有君子竹。中情了無營。山蹊往來熟。閒草續太玄。
時把黃庭讀。荏苒閱歲華。放曠展遐矚。消息理斯
存。術賣成都卜。寄謝諸少年。我過勿溪督。

贈隣松

高標隣松翁。投老棄微祿。獨抱濟物心。清芬滿南
服。嗟嗟同事者。官逋苦窮蹙。捐金代之償。頓使自
骨肉。洪鈞懸朗照。類錫表貽穀。膏澤多豐年。祥鳳
符其卜。如何布道交。取攫競追逐。試覽松陵傳。三
復有餘恧。

○○八真詩次韻

把釣披素裘。下拜禮竒石。曠哉至人心。取遣謝塵
跡。所以段干木。踰垣避物色。冥冥雲中鴻。矯矯屬
雙翼。吁嗟網與羅。可望不可得。吾昔事榮貴。天君
困螫賊。譬彼涉迷津。道岸邈難及。晚遇崙谷師。藥
言起沉疾。亦有東華翁。初覩如舊識。授我朝元篇。

返我太古質蘭焚悲以香木伐悲以直坐馳徒憧
憧守靜在默默悠然脫凡累天光滿虛室彷彿道
遙遊抱朴見純一豈期垂老年果獲錦囊術丹砂
煉九還雲臥探八極采菊尋淵明耕田偶沮溺龍
沙記尚存萬古嗣仙脈

贈張使君

吾憐張使君結宇月溪上碧水淨氛埃明河屬幽曠
超然澹素慮高歌時一放桂殿來香風烟波渺清漲
此志良不渝冰壺迥相望持以樹佳政貞明世所亮

送蘇司教之鉅野

秋至生蚤涼駕言涉東魯嘉會知幾時悵別河之
澣惟爾抱醇和香芬藹蘭茝坐我春風中每拂清
談塵品士平若衡光明湛天宇况茲東魯間宮墻
煥前武所育皆英才甄陶幸時雨循循善誘餘雲
鴻振翔羽

贈吳鳳泉

與君橋梓間夙昔雅相識恂恂孝友門五世居同
食君復富春秋積學事文墨霄漢能致身供奉殿

西直去家凡幾年
蓼莪懷罔極
再疏上
明光喜
遂南飛翼潞水揚輕帆
天寒靜遠色
把酒聊贈君
明我深相憶
故鄉寇亂餘
兵戈未衰息
斯民困誅
求滿眼見螿蟻
君行慎所圖
人情重謙抑
歲月無
蹉跎
早拂
朝天軾

呂水山夜過即行且為近泉索詩戲贈

有客夜及門
塘西水山氏問誰與偕
來知是近泉
子入坐
兩忘言
無愠亦無喜
更燭願款留
告別頻
五起飛空固無跡
濁醪有妙理
無為太匆匆
明月

滿庭肥

贈左松鶴道人

世多學仙者
得似松鶴少
植根萬仞岡
矯翼孤雲
表大藥駐形神
玄經洞幽眇
冷然汗漫遊
笑眎八
極小

懷林脫鞵

吾懷脫鞵翁
避俗隱南部
逍遙雲水間
俯仰有真
樂
別來三歲週
音塵何遼冥
天涯秋夢頻
談笑宛
如昨

興隆次

嗟予始行役兀兀桃李時茲來月仲夏四見斗柄
移每懷靡及慮敢復辭嶮巖朝出蒼梧陰暮經楚
水涯羊腸世路及鳥道煙雲馳撫已自嘆息悠悠
起遐思安得樑棟具為奠邦家基古人有遺言樹
德當務滋豐草害良苗行矣慎所治

石巖洞

雅尚在山水臨眺意無倦佇望城東郊幽巖表南
甸使君復愛客撫景開芳宴解帶遡蘭風手掬水

花片披蓊取微徑延覽中巖徧結橋度雲溪列炬
散晴電怪石蚪龍翔層臺玉芝炫旋轉尋丈間幻
化千萬變勢凌天姥竒名並桃源擅自非神明護
乾坤豈終見日來苦塵縛朕引資游衍薄暮下山
枿心賞徒猶戀安得長公術地縮中州奠依棲煉
五藥辟穀謝朝彥

舟過龍門灘邀馮南江小坐追之不及短述

見懷

秋色江上不危途倦雙翼初經馬磯峻復涉蛟潭

黑遊子垂堂心感嘆何終極所賴有良朋飲酒見
溫克晨具麤糲盤過午不敢食留以獻所知于焉
求我則龍門邈難攀可望不可即安得繫兩漿談
笑淹頃刻題詩寄微衷言淺豈深悉雲行與逝水
賢者固不測

題王海涯道士卷

海涯清谿侶抗志風塵表靜嘯撫長烟逍遙瞰蓬
沼飡霞挹飛泉神光日凝繞何當從爾遊歷覽諸
天小

茶洋道中

萬木翠森森孤村霧雨深隔江猿送淚空谷鳥將
音坂歷王尊險棠懸召伯心喜瞻青嶺外雲物散
春陰

過七里灘次雪汀韻

輕帆駕長風奔馬不暇勒瞬息千里間豈伊三老
力汨汨江上濤矯矯雲中翼便欲披羊裘只恐人
物色

嗟嗟遊俠子白馬黃金勒一食費萬錢誰惜東南

力駿削到雞豚奚啻席而翼吾其慎所趨琴書表
行色

邈思麟閣画功欲燕然勒曾無尺寸長可展回天
力五月涉炎瘴十年猶塌翼留眼客星亭自覺有
慚色

八月十五雪汀待飲次韻

月色當秋白影落清尊酒多君意氣豪停杯待予
久沉沉瓊宇寒深掩重門夜朗吟延賞心酒盡還
思借涼風起天際山水澹幽姿相對白玉盤萬里

無瑕疵吾聞月中藥雲光浮桂枝嫦娥倘相許三
五以為期

洪溪店阻風東同行諸君子

夕陽忽西頽長河白泱泱維舟春風前風逆不可
上黃沙霾草樹荒村隱高壤良朋在水濱蕭鼓送
餘響安得即見之談笑豁遐想吾聞陰陽機屈伸
互來往明日風浪平中流蕩輕槳

題惕齋

大道夷且長乾坤自昭炳云胡百世下絕學失喪

領萼草日蕪穢傍溪競馳騁所以孔孟徒操存示
溪警卓哉希聖心雞鳴慎惺惺日新又日新戰兢
辨俄頃山崇一簣土泉掘九仞井服膺貴有終願
言事三省

乙未年五月二十二日值初度偶讀初度志
感詩蓋先得我心者遂和之

東園挑與李其實何離離我生苦多難怒馬如重
飢未老髮已白含悽體如羸明發懷二人恍惚與
夢期杯觴侍言笑形影露眉鬚寧知幽明隔路遠
不可歸念我出門去兒女牽我衣我違父母傍歲
月逝弗追戚戚熱中腸悠悠空自悲我今值初度
哀痛將何為

壽王野亭七十

太華鬱崔嵬建標天地中下繞長河流元氣通瀉
濛降生甫與申自昔周所宗賢哉野亭叟無乃神
秀鍾弱齡起高譽聰明冠羣公一官至襄垣五教
收全功歸來臥松月詩酒陶春風翩翩雙鳳皇高
岡鳴梧桐小兒清廟材大兒忠節崇天衢紫泥誥

繼下蓬萊宮靈椿美蔭垂百歲昭幘幪烏紗冒素
髮壽酒杯浮紅我瞻南極星光芒映江東再拜祝
公壽永言歌華嵩

贈司訓劉方塘

黃河無停流太璞日以斲大道委荆蓁澆風散淳
朴誰將盈寸膠澄波千頃濁我聞劉方塘弱齡性
貞慤潛心六經理寧事口耳學往年白鹿洞諸生
仰追琢聲起大江西景行等山嶽胡為命數竒雲
衢路綿邈居然甘冷官五教闡先覺斯文模範餘
洪濤鼓澆滯遂令牛山木不以斤斧濯我聞方塘
賢喜會方塘數願子日勉旃立見孔之卓古道行
復敢嗟人徒齷齪

渡口驛

揚帆下長河程期計前驛寒飈天際來白月落沙
磧躊躇清源濱四顧思禹迹匪敢辭路難王事固
云迫尚想鳳皇城蒼蒼紫烟隔南瞻羅浮遐雲端
才峰碧天地青蠅多撫几三嘆息達人貴逍遙御
風訪姑射我何長苦辛歲暮遠行役

重過南旺

自我治東泉今來已十載雖無濟川功幸免素餐
悔徂徠鬱崔嵬汶水白皚皚舉手弄潺湲隨波思
遠海

送客

朝發雙溪津夕宿富春渚淒淒朔風厲鴻雁哀孤
侶之子何所歸故鄉以容與采芝雲水間浩歌鼎
白紵有酒傾尊罍嘉魚薦魴鱖惟笑及里閭百年
免逆旅

行旅

江水經時發蘭舟冒險過蒼茫迷楚澤浩蕩瀉祥
柯勢汨山腰半渦盤渡口多浮首沿樹杪短棹歷
烟蘿靉靆朝雲黑濛濛夜雨沲何能辨牛馬已見
舞蛟鼉野泊愁連夢羈栖睡作魔先登瞻彼岸穩
坐憶餘波忠信平生節崎嶇世路訛尚憐無事日
沽酒聽漁歌

清虛院

五世玄功懋宣徽 帝典優光昭三萬劫運啟八

千秋 天府圖書煥瑤臺星斗浮玉真同雅慶碧
落會仙傳摘藻聯羣壁揚鈴振十洲自慙嬰俗網
何幸挹清流

晚泊

擊楫破層冰維舟隔市城幽林歸鳥盡踈荻宿鷗
驚烟護晚山色鍾傳遠寺聲參橫知夜半月出見
潮平地壓霜天重人呼布褐輕尋詩應罷局解醉
且烹茗重欵雲間棹還調學士羨連宵真意氣千
載結山盟野客徒瞻仰寒風細雨并

上桂水用宋之問韻

挽流遡桂水鼓枻指江干日落霞章散峰高劔鏑
攢迅流奔白浪危石擁崇灘天地乘開闢山川繆
鬱盤臨流空有羨行路總知難庶見秦丁鑿還遺
蜀道安莫教豺虎橫武遏亂離端利涉通朱舫遊
歌歷翠巒幽尋鷗鳥伴香採菊花團忠信占无咎
琴尊可合惟滄波東入海萬古自漫漫

西過武夷

武夷青未了經覽愜神遊載酒期他日携筇到上

頭溪迴九曲抱雲濕萬峯流庶見烟霞侶談玄慰
客愁 右初過

平生好探覽倚馬武夷巔鶴立千年樹山開一線
天乾坤留脉地蘋藻薦前賢况近神仙窟還期結
靜緣 右再過

劍津遇友

野驛停驂晚江灘繫纜初相逢有知己薄酌愧無
魚急雨翻庭竹清泉掛石渠談玄見精理進我十
年書

題沈默齋適意卷

種菊尋陶令乘風訪葛翁悠悠天地外高軌許誰
同

晚至化州與石東叅將

列炬迴山徑嚴城夜已分人經千澗雨馬出萬峯
雲炎海風濤壯征途甲士勤平生憂樂志徒切范
希文

憶爾真驍將營門細柳分晨昏警刁斗號令肅風
雲老覺謀猷壯功收戰伐勤驃姚何足數好武且

能文

太廟峽宿

興耽山水勝留眼繼晨昏溪轉星河動峰攢紫翠
屯薜蘿懸石壁舟楫傍雲根咫尺龍潭浦樵歌稍
出村

行行滇陽峽道遠日已昏帆繫蕪葭渚人經席豹
屯多情愁鴈序有興躡天根何處堪沽酒雲深竹
樹村

南海秋餘瘴高天白霧昏非時瓜菓熟到處犬羊

屯客路慙蓬髮鄉田足菜根未能甌 聖主何敢
戀山村

贈林雙峰

天馬橋東宅高人舊隱居開軒延素月灌藥引通
渠徑滿陶潛菊家傳伏氏書有時逢客至自釣錦
溪魚

過玉虛觀

殿鎖金經秘泉留玉井寒山屏橫鶴榻蛛網絡雲
冠洞可殫霞坐碑從拂藓看因知靜者妙何自出

風湍

新喻次蒙泉韻

雲濶連銅柱天高限玉墀無才堪應世抱泣為多
歧廊廟登豪傑衣冠變醜夷小臣思解綬泉石有
深期

栢阪鋪次桂洲韻

縣閣斜臨水山雲低度墻名存萍實舊迹恨楚臺
荒燕影翻花塢蟬吟散柳塘暑途方暫憇風雨又
瀟湘

涿江次前韻

入舟翻執熱過雨不生寒倚浪搖紈扇推蓬挂鷓
冠松陰何處坐月色此宵看尚想還家樂安流謝
急湍

船小輕於葉蓬低覆若墻淹留當盛夏風物即遐
荒獸石高迴浪蛇藤曲蔓塘未湏傷鵬鳥已類謫
三湘

山棗驛次寅齋

蒼山望不斷景色兩餘佳對此稱幽賞因誰開好

懷溪清玄鶴下松老白雲偕試上平臺坐長吟一
遣排

過與安縣松風亭次胡瓶山韻

亭帶蒼崖古松擎翠蓋鮮敗垣蝸篆引高樹鶴雛
眠野市餘春釀搖村接暝烟絃歌非魯邑耕鑿總
克年

靈川院壁次曾筆山韻

北極星河迥南州瘴癘深一餐
明主惠九死逐
臣心獨抱蘭孫節空懷鳳鳥音男兒四方志誰復

計升沉

朝趨青瑣禁暮斥嶺南遊檻見朱雲直心懸漆室
憂江山隨浪跡花鳥豁吟眸已是風波定逍遙信
客舟

洪埠灘

素月銜高壁朱旗漾廣川螢明兩岸火山帶百蠻
烟夜永嚴刁斗天災阻勒韉風流逢岳伯
時與張五山同

遣興藉詩篇

龍門峽

迤邐龍泉峽雄蟠控百蠻江虛浮岸影石古上蒼
斑五嶺團雲樹三門壯水關羣鷗不知險來往自
閒閒

古蘿峽晚泊

風雨湍江天浮生寄客船斷崖明戍火古洞落山
泉猿狖深啼竹蛇龍暗吐涎十年曾學劍何日淨
蠻烟

八月十五夜

嶺海清秋半城闈物候新一年今夜月萬里獨勞

身爽氣侵虛幌寒光度隻輪闈中共看處正恐翠
眉顰

吉祥寺見梅

北地梅花少凌寒開未勻偶看空院樹先占上林
春燦燦緋霞暎垂垂玉蕊新孤標耐冰雪端不受
緇塵

贈西虹太守

吾聞司馬氏寓近市橋東紫氣來中極青天懸彩
虹壯年題柱節今日濟川功麟閣還圖畫家聲振

古風

挽黃友梅

吾黨稱高士多從令子知風流百年在典則一經遺樹有延陵劍文傳南嶽碑滄溟幾迴首愁絕暮雲馳

登樓

望極層樓上芳菲春意多花深蜂課蜜樹靜鳥營窠遠水連天淨愁雲作雨過登臨獨惆悵抱膝起長歌

癸巳二月三日呂東匯諸亭村倪若谷范菁

山携酒殺來餞因遊吉祥分得珠字

出餞煩同志乘遊興不孤春星明寶刹霽雪淨水壺岐路休論各風雲好共圖談玄見深味誰得海中珠

潞河發舟次韻

解纜催笳鼓青春萬里行烟籠堤柳密江度野鳧輕獨立思王事無才補聖明悠悠今古意只聽五絃聲

發舟待石南不至

潞水冰初泮春江正可行如何終日待不見片帆
輕柳色侵杯嫩燈花對劍明同誰愜心賞惆悵棹
歌聲

壽晉習齋父八十

不作宣平教歸閒八十春江湖消雪髮巾舄離風
塵化與鉛山古芳垂玉樹新非熊應有召早晚待
蒲輪

雙湖草堂假山成

片片他山石移來向草堂勢當嵩華並清益竹書
光坐對雲烟起吟消歲月忙叢篁漸成實應有鳳
鳴岡

南湖春舫次韻

湖濶浸晴天浮遊春思偏鳥啼芳樹外草綠片帆
前画舫乘流下文星並月懸徘徊發高興長嘯激
雲天

夕次洗河口

落帆逗通津停橈宿前浦風疾浪逾高月翳光復

吐鄰舟阻笑談同志各方士舉室涉畏途吾慙對
簪組

過蕭林

迢遞河西路樓船獨夜行帆隨流樹轉幔卷浪花
輕霧合村還迥沙平雪更明客懷何以遣把盞聽
江聲

送客

捧檄辭金闕南行已逼年馬當殘雪路車度夕
陽天歲月青尊裏冠裳白髮前馳驅本酬志珍重

此龍泉

夜夢

時壬辰十一月廿九日

客睡晨方着天寒夜較長此心清有夢吾道近升
堂瞠若回參後追隨聖哲行覺來忘頓悟初日正
蒼蒼

贈黃野塘朝京

去述郎官職翩翩向帝城天風吹曉鷁江月引
春旌琳度名元重虞城政最清東南民已困憑藉
報承明

墨溪

雅暮臨池子常疏洗硯泉藻花春汎汎文思日涓涓翰學驚時輩源流企昔賢雖存伯陽白還草子雲玄

同王一山吳興道中次韻

喜隨王逸少夜汎剡溪船月色臨全浦湖光淨遠天客星雙玉並寶劍一燈懸明發是天目相期振羽翩

碧浪園青嶂春風動画船鳥啼山外樹人坐水中

天醒酒風偏入催詩雨故懸回檣弄浮玉鳧鶴起

翩翩

風生漁石浦月滿夜行船水濶疑無地帆高欲礙天推爐春酒煖對几玉壺懸激烈歌聲壯差池舞袖翩

王一山善騎射復用前韻

聞君膽力壯騎馬似乘船恥以文誇俗長將劍倚天鳴鏑雲鴻落彎弓海月懸病夫徒羨爾騰躍氣翩翩

除夕次韻

今夕復何夕萬家俱醉鄉催花行酒密刻燭引歌
長鼓吹闐城郭春光接混茫膝前兒女樂吾獨淚
成行

元日次前韻

憶昔春元日衣冠集帝鄉鶯傳天闕近香引
御爐長病體甘留滯朋書益渺茫五雲瞻咫尺愁
寂舊鷓行

夜集次韻送雪汀

已憐王逸少更接謝元暉池草凝春思燈花助夕
輝為歡心益醉此別會應稀明日清江上思君欲
奮飛

贈春淵

聞君愛溪水卜築俯春波潭底魚龍動風前鷗鳥
多觀濶隨艇往把釣逐漁過我欲移居近滄浪和
爾歌

愛竹

種竹滿芳林參差起百尋最憐雲母質幸托歲寒

心映月虬分影臨漪鳳作吟清風散寥廓尤喜助
鳴琴

有懷文芳次韻

抱病依茅棟澆花決井泉髮疎明鏡裏心醉濁尊
前容色吾將老飛騰汝更賢遙憐好秋興日日是
賓筵

賀遷居

弗以塵囂雜移家傍縣樓宅無三畝大隣費萬金
求燕雀依簷棟絃歌送酒籌卑枝棲覺穩碧柳想

前脩

題五世同堂卷

百年猶未老五世見同堂棟宇風霜古蘭蓀雨露
香枝看連理瑞鳥喜比肩祥並戴堯天下伊家卜
運長

夕次河西務懷友

蕭蕭北風厲白日霾玄陰感此歲月暮條經離別
心撫枕更愁永攬衣寒苦侵懷人一尊酒翹首五
雲深

天津驛

萬水日東奔孤城沙際存氣雄吞巨海地險壯重
門楓落悲秋盡船過知夜分角聲孤夢醒腸斷更
消魂

題遺忠傳

耿耿忠何似磳磳志不違芳名太史著節槩古人
希已信兵猶火空悲血染衣羅浮重回首灑淚對
斜暉

獨流

向晚烟光紫孤舟過獨流天邊落鴻鴈水際狎鳧
鷗頽屋憐無主平田歎有秋誰能體六事民物總
綏柔

過武城

江水抱村曲寒城延月低舟航通上國壤地亘全
齊問俗懸誰解登樓望獨迷平生今古意霜露更
淒淒

賈實齋遇諸途並舟不克會

五馬乘流下雙舟並岸橫光儀違咫尺僮僕費將

迎自數更籌罷誰看蠟炬明鄉書幸爾附猶得破
心兵

贈王叅戎海山二首

上將樓船穩揚旌下廣川轉漕資歲事仗鉞破江
烟壯氣排三島英風動九邊能文與能武舒翰是
君賢

海山多道氣玉色藹山川橫槩回斜日揮毫散稷
烟蕭何同是國李牧似安邊有待清西極名王獲
左賢

送張鰲川入蘇

垂老臥江湖居然見風雅剗剗無金牛驅除有害
馬聲價踰兩浙廉名滿四野輕車曉當發惜別酒
頻瀉

達士有英標吏隱激頽俗道與滄洲期心入青谿
曲習靜餐瀨烝探化守玄籙遲爾官政成崆峒訪
仙躅

遊青華山二首

蚤蠟看山屐言從部外遊險躋雲磴滑醉憇石床

幽
至日仍為客殊方得勝遊洞疑天上有山覺雨中
幽

即事三首

紫燕栖華屋依依懷好音乘風忽飛去誰復故巢
心
花前呈妙舞琴裡識清音色相吾何着平生鐵石
心
風萍逐何處金玉杳無音為報繁華子休懸海誓

心

聽雪琴彈琴二首

音
携鶴步花陰臨風聽素琴悠然山水意莫恨少知

音
草閣樹陰陰絲調綠綺琴試招玄鶴舞韶漢藹餘

賞牡丹二首

前
麗質開初夏紅芳含暮烟天香與國色並占百花

飲華酣宿酒吐艷帶晴烟倚欄看不厭剪插玉壺
前

送萬世安訓導入楚

春風吹素襟總轡青郊路東望太雲山芊芊桃李
樹

怡筠惠竹石奉謝

他山兩竒石靜倚翠琅玕有待儀鳴鳳留看共歲
寒

題扇

雨來收釣綸歸臥江蘿際明日江雨晴扁舟豈終
繫

友蓮

灼灼金塘瑞分從太液池清心夙有托自不染塵
緇

思竹

開軒對叢篁論詩及栽蓼羹墻有餘思清陰滿蒼
玉

尊賜樓

樓閣臨南浦絲綸奉北辰
聖情何以報長啓萬
年春

春館二首

雨霽山容淨房櫳進夕涼
早蒲隨水綠春筍拂雲
長

烟霞開曙色桃李藹春芬
為想幽期處空餘麋鹿
羣

澗花

天天澗底花香清雨不改
托根失其所地遠誰知采

題扇三首

草閣倚江津江花樹樹新
棹歌何處發應是濟川
人

溪漲桃花水雲深竹樹林
携琴獨注望何處覓知
音

坐愛竹林靜清風時有餘
百年經濟業只有一編
書

五月廿四夢得末二句續成

去家八百里一日三秋澗
夜來歸夢間苦恨灘聲

聒

即事八首

醴客船無數愁經馬峽前近來蠻獠橫負弩劫青
錢

青山澹寒姿白日歛暝色邈舟百丈灘費殺篙師
力

秉燭坐秋夜捲幔弄江沫不見可人來時與五山相失何
以慰飢渴

灘峻魚難上天長鳥斷飛萬山雲霧裏空翠襲人

衣

雲竇流玉髓雪花捲水沫采掬置几傍庶解相如
渴

移舟葭葦岸鷓鴣濕不飛漁翁日取醉閒挂綠蓑
衣

海日寒雲外江鄉夕照前秋天動歸思已辦買山
錢

松柏歲寒操桃李春陽色榮落各有時良驥不在
力

獨翫芙蓉

江上芙蓉花顏色秋正好盈盈如有情同心願終老

別陳鵲湖次韻

相見即相違良朋杳難遇回首白雲深棠陰暗江樹

望雨

旱久黍豈枯恐無康年賜安得鞭五龍驅雨藹而至

題扇景

野樹蒼蒼合江流滄滄通蟠溪應咫尺把釣待秋風

宣城八景為焦分巡作

隆阜松楸

大阜鬱崔嵬松楸入雲碧迴望石柱躡知是萬古宅

平原禾黍

羣山擁崇岡十里開沃野離離禾黍秋斂穫詎堪

把

雙虹跨澗

長橋跨碧澗青天懸兩虹誰云舟楫利此是濟川
功

列星枕溪

溪水會平川山光浮紫烟星河分枕帶龍虎共纏
綿

行廊晚霞

極目行廊山雲霞燦石壁中有仙人棲可望不可

觀

敬亭霽雪

敬亭清未了晴消太古雪獨愛兩三峰黃山並奇
絕

鑑湖夜月

夜月落鑑湖月白水瀾瀾照見蒼龍蟠欲鼓風雷
起

天門曉鍾

雲外聞晨鍾天門信佳境雞鳴海日出坐對蓬萊

景
題扇景

徘徊松樹間清風滿窳廊揮手鳴我琴雲端舞玄鶴

東海佛會

海上龍宮會人間壽域開千秋同宴喜光滿鳳皇

臺

龍山慈竹

慈竹春雲覆龍山旭日長琅玕種成實時有鳳鳴

岡

六真絲輿

賦
驅車遵太行春風動長路容與慰慈顏還續東征

三江畫舸

將母三江上乘流穩放船烟花迎錦席更覺綵衣鮮
以上四首為西虹郡伯賦

雙節

完節真聯璧清風對白頭可憐蓬頂月萬古落方

洲

雙梧古院

雙梧鬱鬱倚禪宮萬古風霜飽歷中假使秦王曾
駐蹕也應同拜大夫封

贈金小溪相士

異術真傳似爾稀雙眸溪月共清輝逢人猶自論
心相不學時師只舉肥

謁徐白泉祠

自昔初當弱冠時偶從文字托相知老來猶切羨

墻念為政風流展我師

信有人間行路難獨憐遺廟俯江干百年公論終
還定留得松筠殿歲寒

齒髮漸衰吾已老一編圯上負初心穀城何處逢
黃石回首春風淚滿襟

西園賞牡丹四絕用東坡韻

雨過花間粉膩流對看霜髮總成羞夜闌秉燭還
看汝痛飲狂歌興未休

柳絮松花蕩曉風姚黃魏紫壓春紅超羣國色凝

香幄信是花神剪刻工
花中乃有此天仙開映雕欄紅杜鵑占盡韶華三
月勝始知桃李避芳妍
芳徑幽深野樂園撲花蜂蝶趁晴暄山翁日涉尋
遊處便醉何妨臥竹根

贈金月海星士

蓬萊月出海天東萬象森羅燭照同何事君心如
海月直教人道李虛中

藏春雅聞滕王閣之勝走二千里訪予於南

浦兼覽西江形勝因其歸郡集句志別

來遊此地不知還偶至無塵空翠間已領烟霞光
野徑風雲何似客星閒

每逢松樹便忘還飄泊西南天地間脫却草鞋臨
水坐一竿斜日酒旗閒

紅亭綠酒送君還家在孤雲落照間吳越溪山尋
已徧好將能事濟清閒

雲逕應從鳥外還偶然為客落人間逍遙自有蒙
莊子長擬求閒未得閒

乾承

打斷塵根鐵為棒月落寒潭珠吐蚌有丹不覓杖
頭錢此道令人只空講

壽薛鶴樓

芝田玄圃且淹留金鼎神丹次第收聞說仙家多
鶴骨御風時倚太虛樓

飛鴻集卷之二

秀水吳鵬萬里父 著

長孫惟貞校梓

詩

同康礪峯遊烟雨臺次韻二首

層臺縹緲澹烟浮水色微茫接素秋菱葉薰葭青
不斷躍鱗浴鷺意俱幽尋芳正愛携雙屐取醉寧
辭盡百籌自笑同遊遇詞伯興餘還上夕陽樓
碧天涼月挂危樓此夕湖南作勝遊繞岸星河迴

倒影隔城簫鼓度晴洲南窺粵徼連瀛海北望燕
雲是 帝州登眺不嫌歸棹晚滄江吾道正悠悠
訪沙村不遇辱惠詩次答

山房九曲抱村墟留客時停花外車每撫貞松招
獨鶴肯歌長鋏歎無魚好奇揚子仍能賦避俗虞
卿只著書問訊空回剡溪棹謾勞新句重吹噓

遊泰華

蒲谷仙人蹤跡奇尋山那惜路逶迤諸天雲月心
同窈石壁松蘿手自披學道欲探勾漏秘談禪還

結遠公知只愁日下丹書召又負林中白鶴期
萬古天南有此奇山青水碧共逶迤珠宮梵徹曇
華墜石榻經殘貝葉披泉籟自醒松鶴夢僧心惟
倩海鷗知慙予日日櫻塵冕未得從遊愜素期

宣風館次陽明韻

荒庭素壁上苔痕庭下江流靜不渾墨客久存春
草向漁家多占白鷗村花舍宿雨香初醒峰帶長
烟午尚昏無那前林子規叫故山回首欲消魂

題雙峯

兩兩高標送遠青
紫雲深鎖跨重溟
一天雨洗雙銅柱
半榻晴開兩翠屏
剩有喬松銜暮景
懸知擘石自神靈
琅玕並向空中出
長夜輝煌挂德星

登大佛寺

山腰高閣幾登臨
每到登臨感倍新
岳武祠深悲暮雨
越王臺古閉秋筠
先朝戰伐空陳迹
百代興亡見轉輪
輸與西湖林處士
年年亭占一枝春

車上遇雪禁體二首

重裘半夜覺寒侵
稍稍瀰漫到遠岑
節候新年猶

是臘馳驅此日又逢陰
埋藏老屋無人問
妝點長途待我吟
好去歌樓沾錦帳
未應飄向客車深
滕六隨車送我行
東風標格太輕盈
盈不愁紅日雲霄隔
且喜青天晝夜明
消盡豈能滄海遠
寒多聊助竹松清
今宵茅屋應成趣
收拾詩篇待蚤行

詠梅花三首

閒心何處結芳隣
老樹繁花最可人
玉兔搗霜供永夜
瓦瓶分雪薦新春
天寒幽獨渠應瘦
歲晚心期我獨真
竹杖芒屨他日事
矮牆茅屋大江濱

雪積霜凝壓不斜分明江上開年華半枯老樹自
生意新出柔條都着花看影却愁殘月落留香長
欲峭寒加春風無限孤山夢獨木橋邊是汝家
素質孤芳世共稱評香評影昔人曾不妨今日比
西子更恐前身是漢僧花早却教春漏泄樹高獨
覺氣憑陵海棠芍藥非吾事對爾吟詩我亦能

宿塘棲候石南

雪水雲深鴈不來推篷西望幾千回未逢江上皇
華使空負燈前濁酒杯青徑早看春雨歇錦帆誰
倩夕陽催流光易邁知音少莫厭頻登送客臺

客有以詩授我者依韻答之

見說梅香近水優携壺獨出傍春遊逢誰取醉開
青眼自古相知恨白頭心事直將隨夢蝶功名謾
說到封侯年來記得陶潛賦知命安貧總不憂

霽虹橋

鐵橋高架跨滄津縹緲烟空欲盪身萬古西南天
有塹一江雲冰地無塵經營寧獨拯胥溺功化真
堪補大鈞眼底紛紛題柱者不知舟楫更何人

下關

坐看孤雲晚自歸
點蒼空翠撲征衣
川原縵遠無今古
城郭推遷有是非
月色平臨下關院
霜華輕染北山薇
邇來為客多鄉思
夢落寒江舊釣磯

望蒼山

蒼山奕奕抱重扉
澹雨寒烟鎖翠微
龍洞雪消泉自注
鶴林秋老葉從飛
珠宮玉宇天花霽
曲岸芳洲海舶歸
我欲買田來卜隱
薜蘿何日遂初衣

試士

玉局朝曦射禁扉
蒼烟紫霧共熹微
香分燕寢松風度
簾捲晴簷鳥毳飛
桃李無私慙化育
斗山何德慰依歸
平生勲業違雙鬢
願得夔龍補舜衣

三塔寺燕集

佛宮高宴傍巘扉
夜氣初寒酒力微
星宿可占天上聚
羽觴真戀客中飛
青溪漁火悠悠度
丹壑松雲宛宛歸
更愛蓬萊月東出
萬山高處望宵衣

次康鵬峯韻

放浪吾希馬少游
獨憐風物縱閒遊
留賓侵夜常

投轄玩月乘秋幾上樓
剩有方書怡暮齒
敢論往事借前籌
城南湖水纓堪濯
極目冥鴻散我愁

長春園宴集

別業長春景獨妍
杖藜行樂盛明年
碧桃霞外栖雲洞
綠柳風前載酒船
真率自同香社老
清狂誰似竹林賢
明朝更作西園賞
猶有床頭舊俸錢

次崙谷僊翁二首

年來學道愛閒居
懶性何心賦子虛
翫月夜迴溪上棹
看花春遶竹間車
琴書作伴清無限
鷗鳥忘

機樂有餘何日重
尋元亮宅東籬
菊種兩三區
僊翁結茅玄圃山
蓬萊東峙雙碧鬟
時栽白雲補故衲
自養金丹駐壽顏
天姥晨遊風入御
蒼梧夕過月生彎
熱香我欲延道駕
絳節時臨集慶壇

感懷次韻鼎礪峯二首

艸堂幽獨枕城郊
竟日淹留俗事拋
風定湖光天入鑑
月懸松影鶴歸巢
年來自得閒中味
老去誰為方外交
更欲誅茅開隱徑
肯教山岳獻餘嘲
仙蹤近寄水雲鄉
東壁吾從借末光
曾檢圖書開

玉殿總知柱石重明堂音塵可使三秋隔文醜眞
看萬丈長數枉瑤篇何以報七襄深愧不成章

誕辰存齋以詩賀感而賦此用前韻

新詩寄我自華亭盥手開緘眼更青已分此生同
棄物敢煩上相祝遐齡登山臨水心無累餌木飧
霞藥奏靈况戴堯天歌擊壤太平有象頌無刑

元宵瑞燈鼎許以正

時遣繼兒從學

草堂燈火競交輝茗椀杯盤此夕揮竹葉影中浮
膈蟻燭花叢裏報春暉書幃白日休閒過翰院他

時蚤送歸多少長安年少子雲霄羽翮並高飛

白雲堂宴集

垂老風情舊宛然肯緣毛髮怯增年酒鄉中聖陶
彭澤詩句驚人賈浪仙後閣留賓投轄夜東山携
妓半晴天明朝更有司空約共賀昇平樂舜田

鼎瑤池子

偶聞人世說天仙詩思源源若湧泉金石句留黃
鶴觀龍蛇字躍錦江箋誰言蓬島遠蒼海我望崆
峒浮紫烟欲伴當時赤松去石橋風月共賡聯

癸酉九月壽存齋用舊韻

芳辰開宴醉翁亭白髮如銀眼更青身向虞淵扶
日馭天教元輔注椿齡菊觴露挹金莖潤藥鼎丹
收玉蕊靈昭代文章徵著作歷朝勲業盛儀刑

輓王思質二首

昔年京國聽談兵投筆臨戎海嶽清直以忠勤鼎
壯志肯將身事負承明一編書自黃公授八陣
圖沿漢壘成所恨宜陽非息壤千秋萬古倍含情
元老曾藏萬甲兵煙塵南北待澄清百年望重今

方矧三戰功收古孟明殊錫總緣公道在流言誰
識禍機成相知愧乏回天力不盡臨風楚此情

霜降日草堂宴集觀兵次韻奉勗康礪峯賈

實齋

金天氣肅霜初降帟陣風嚴赤豹旗戎海舊驚飛
羽檄將臺今喜得熊羆據鞍已覺吾生老推轂空
慙聖主知方叔宵中富兵甲好教談笑定邊郵

懷康礪峯

平生憂國鬢先秋曾叩天門乞早休三徑陶潛幾

叢菊五湖范蠡一扁舟
劍韜寶匣光芒動
玉種藍田次第收
膂力風塵知未倦
壯心能飲月氏頭

遊蓮池二首

芳菲亭館對南山
乘興登臨晚未還
旌旆影聯松竹外
笙歌聲徹水雲間
漫論形勝中州並
暫假翱翔此日閒
醉折青荷倚歸騎
嚴城時已閉重關
細柳拂烟仍裊裊
小桃垂實故離離
竹樓雲度含晴嶂
蘭楫風迴蕩晚池
野樂試調青玉案
仙人頻獻紫霞卮
竊憐上將留權賞
猶自揮戈繫日遲

送侯三峯二首

金馬山前一振衣
薰葭白露曉初晞
即看瘴土風雲變
却羨長空鶴鶴飛
世德同歸韋相後
法臺重見漢官威
清朝公論居然定
聞道平津敞閣扉
五嶺曾為廉訪使
大江復借寇公時
甘棠到處惟餘蔭
溟海從今有去思
問俗仍迴青雀舫
登筵暫醉碧雞祠
西山兩送滕王閣
知爾重遊好賦詩

甲辰十月廿六日新興道中值先君忌日

客路悠悠感慨中
片雲遙望楚天東
八千里外松

楸迥十七年餘夢寐空老大却思童外日劬勞罔
報募我功不堪回望楓林葉淚染衣襟較更紅

鼎謝右溪

昔年京國久瞻依今聽談玄塵夜揮苦節已從青
瑣著高風不與古人違霜明臺館松筠靜春到江
城燕雀飛聞道 聖君思直諫九重應待佐垂衣

石南將至次前韻

江山雨晴春水來飛鳧鷺鷺去仍回因傳驛舫待
旌節更假墻花送酒杯誰謂百年青眼變獨憐雙

鬢白駒催今宵秉燭論文地雲淨蒼崖月滿臺

贈秋江

老來無事學逃名楓岸蘆洲寄此生門外肯淹車
馬跡世間那識薜蘿情扁舟獨釣寒江月一曲時
歌孺子纓却笑踈狂耽薄祿白雲慙負北山盟

馬龍道中兼柬介峯冬至前一日

海日初晴雪漸消西風烈烈透緋袍霧迷不辨村
間樹岸斷却尋溪外橋萬里獨遊仍短鬢百年長
至又明宵即招王粲開春酌試看園花放小桃

平生鄙吝為君消二十年前兩布袍逸足敢言先
騁驥專城不負舊題橋衝風冒雪非吾土下馬傾
尊拚此宵歸去顏依三徑柳老來同玩五株桃
送張復菴省蜀

萬里今為蜀道行皇華香送曉輪輕聲名不忝唐
玄素新論猶傳漢賈生到處瘡痍懷雨露歸來籌
鶴滿滄瀛經綸須副斯民望莫為高堂緩使旌

江右歸途書懷似姜五川

投老琴書作遠遊歸帆容與下南州滕王閣近西

山雨巖子灘迎五月秋好伴仙人採良藥獨歌漁
父狎馴鷗故交為別時相憶夢落碧雲東海頭

八日宴集邀實齋不至承惠詩和答二首

近蒙優詔許還家况值春光轉物華門送青山
堪作伴堂聯綠野謔須誇忽聞谷鳥鳴高樹即見
園桃開好花為語浪仙休避俗共隨蝶使探蜂衙
久識才名屬大家近傳新句藹瑤華百年此日人
同得一曲陽春世所誇踈竹覆堦閒獨鶴老梅欺
雪鬪繁花春遊可拚通宵醉莫問嚴城鼓報衙

再遊西園

城隅獨說西園好此日重來是舊遊萬竹密侵苔
徑曲百花平護草堂幽謔誇謝傅東山屐絕勝王
猷雪夜舟醉劇却忘雷雨至留歡還向白鷗洲

賀潘笠江七袞

一尊長夏醉山亭七十依然兩鬢青仕宦幾人登
極品壽祺從古羨稀齡延生信有神仙術應運原
鍾海嶽靈聽取臺萊國人祝百年常此樹儀刑

次韻訓平川

憶昔登臺雲滿山天門月窟手曾攀即看花柳經
春媚肯放輪蹄竟日閒鄭谷詩神驚四座君平語
妙破三關追隨不啻江城暮故傷明星帶月還

壽李羅村

蚤歲聲華起廟堂詩名逼似水曹郎槐陰晚益蕙
櫳靜蓬闕春依日月長奕世衣冠真不忝承家風
節有餘芳壽筵常對南山碧仙醴時分北斗光

梅臺候予不至以詩來促次韻奉懷

遙隔仙槎半日程昭灘龍峽後先行關山又是三

冬暮風雨深懸此夜情分省敢辭江左僻故交常
戀布袍輕明朝試發蒼梧棹共對黃花一品評

元旦途中二首

千家簾幕靜暉暉官路人稀野色微四品已高猶
望進百年強半不知非春風金殿諸公在秋徑黃
花幾處歸面上塵埃頭上雪羨他耕釣著蓑衣
黃道晴開五彩雲殊鄉老稚亦欣欣北來南去何
時了舊歲新年半夜分湖海一官頭欲白乾坤萬
里酒初醺遙憐茆屋西江上雪後梅花正吐芬

傅溪驛

野驛孤亭枕竹邊清泉汨汨注平田祗疑山裏無
閒地可是壺中有別天芸牖暫開看月坐石床初
拂抱雲眠何須更羨蓬萊嶺跨鶴吹笙對列仙

羅舊驛

驛館停驂落照斜天涯馳騫日思家傳經劉向心
徒切多病相如渴愈加萬里琴書隨野鶴一宵風
雨煮山茶松門竹屋無人到獨倚蒼崖吸露華

晃州驛

我行萬里入南州日日駢楚水頭夾路羣山如
有待依人雙燕故相留青霄路徑惟朝士丹藥功
深有道流憑藉新詩聊自遣寄言花鳥莫深愁

登清浪北山

鷲嶺巉巉控楚州登攀偶得片時遊雲虹影落諸
天近鐘閣聲疎一徑幽曾見鳳簫經竹下尚餘龍
井出山頭人間到處蓬萊勝休道煙霞別有丘

晃州驛

鳥道逶迤十萬盤使車西上歷天關五溪雲合衣

常濕四月梅黃雨亦寒戀國每勞瞻北斗離鄉底
事滯南冠援琴欲鼓知音少獨坐高歌澧有蘭

東陵寺

客行三月一登樓景入南中此獨幽鶴徑穿雲瑤
草合禪房倚澗玉虹流松風瑟瑟鳴天籟潭月悠
悠引使騶為報僕夫休促駕石床聊坐散吾愁

清平次東沙韻

為誰留繫錦鞍韉寂寞山城對晚烟谷口風寒席
頻嘯天邊書杳雁無傳懷賢欲作長沙賦秉燭惟

看秋水菡物態浮沉那足問肯緣搖尾乞人憐

興隆次東沙韻

雨過山城送曉涼村煙漠漠日初陽松盤石壁蒼
髯古蝶趁花叢粉翅香興發好緣詩作崇渴來剩
有蔗為漿誰云風土南中惡猶勝塵沙古朔方

清平次韻

奉檄敷文自往年之官今日又窮邊半生駁歷曾
何補三敕榮光詎偶然敢謂文章華上國也知
經史是良田千金未布燕臺駿抱璧臨風泣楚天

午日次龍里衛壁間韻

山堂午日動微涼照眼葵榴倚正陽為客忽驚佳
節到引觴聊喜綠蒲香龍舟舊閱蒼梧水虎艾今
不貴竹鄉遙想故園天萬里吾兒引領正相望

貴陽留別玉溪沅溪鶴田

萬里馳驅真異域羣公邂逅並同鄉芝蘭入座流
芬遠尊俎論文引興長天上德星仍聚榻日南步
樹已垂棠別來不盡依歸意霄漢遙瞻綵鳳皇

遊白石洞

殘星落落掛高城早約看山信有情歡劇謾將雙
屐蠟興豪翻取古詩賡玉泉穿竹鳴幽澗石磴凌
雲躡太清宴罷歸驂催日暮着鞭莫訝弟先兄
白石層巖霄漢間秋來乘興一躋攀開筵再見神
仙會禮佛徐偷半日閑松頂茫茫滄海日雲端隱
隱碧雞山歡娛忽作臨岐恨添得星然兩鬢斑

自潯發舟追北山不及聞就爽於藤江霍氏
初隔雲帆一水間忽驚翔翼杳難攀中流向暮寒
烟積晚泊依沙宿鳥間聞道獨尋黃石老更知溪

入爛柯山追從自愧無仙骨却步徐看拄杖斑
人日自陸移舟

舟中行李逢人日海上仙槎又客星冰載睡鷗流
別渚霜飄歸雁落寒汀麴生交絕愁何遣毛穎年
溪思有靈望望嘉禾在何處春風官柳短長亭

息縣小村除夕

拂袖紅塵下馬初燈光人語滿村墟一年今日吾
猶客千里他鄉此暫廬筋力未衰聊應世乾坤有
不敢安居跣趺靜聽雞聲起不是人間守歲除

別吳望湖

憶昔東泉笑語時十年萍梗各參差相逢潞水三
秋暮又隔江門萬里迤伏櫪願予同老馬御風知
爾駕長螭男兒事業青冥上須遣音塵慰所思

遊長春園作康礪峯韻

不向東山躡屐遊城隅小隱亦丹丘靈芝瑤艸長
春館竹色松陰五月秋冉冉蘭蓀堪采擷悠悠魚
鳥逐沉浮獨憐身世無拘束歲月惟將酌酹酬
別業招邀一散愁佳辰樂事屬斯遊花間露冷祛

煩暑橋外亭虛枕碧流風引荷塘香不斷雲涵
石意俱幽輞川畫手無摩詰淮海詩家有少游

送漳州喬太守年丈之任

長夏榴花照錦袍江天雲物暎干旄之官只帶雙
飛鶴去邑還餘幾樹桃祖席輝光生五馬使君風
度重三刀太行磨石鐫良吏翹首豐碑入望高

生日月峯以詩來賀次韻答之

江雲晴藹一登臺白鶴西來下碧苔萱草萋萋當
戶長石榴冉冉照人開百年壽考看慈母此日生

辰慶老萊還喜稱觴有仙侶蟠桃携到自天台

次韻

隻雞抱送走輿臺踏破茅堂碧蘚苔塵榻暫隨君
子下清尊聊為故人開三千里外通魚雁二十年
前共草萊握手情長忘歲月莫勞明日望雲台

宴雙湖草堂

野老悠然大古心草堂寄在白雲深不緣俗客開
陶逕却許狂生聽楚吟滿眼芳花明白晝數聲好
鳥和前林忘情還就莓苔坐流水高山一鼓琴

江行有懷

四載勞勞桑梓夢今晨衝雨出江門避人白鳥寒
依樹送客青山近遶村楓葉亂侵雙眼碧溪流新
漲百泉渾繁愁自覺催玄髮旅抱因誰得好論

十八夜宴謝東匯

吾鄉冠蓋世不乏萬里干城爾獨賢愛客春開金
谷酒張燈寒擁玉池蓮故家望重天南北百戰功
收士八千若向長楊射猛帟據鞍猶勝伏波年

廿二夜宴謝客

嶺海蹉跎今五載歸來庭草綠初酣尊前試下高
人榻竹外聊延長者驂會見雲霄俱健翮且將風
月付清談瑤篇更枉羣公作茗椀羹缸祇自慙
赴桂林別弟九臯

歸來聚首無多日又作南州萬里行山水調閒牽
別恨眷令原上倍餘情乾坤老眼逢誰碧葵藿丹
心只有明願汝天衢繼修翮他時莫負語叮嚀

望釣臺次鄒東部韻二首

憶昔深甘釣與耕廿年塵跡尚修程經綸何補人

間世竹帛誰傳閣上名驛舍倚山雲不迥江潮乘
雨夜還生客星臺近清風在回首輕肥自五陵
學劍無成學硯耕鷄壇燈火十年程叨逢再見唐
虞治忝竊慙非李杜名歲月江山空老眼蘧廬天
地總浮生秋風歸釣魚磯上何必披裘似子陵

贈西虹太守

魯於攬轡瞻時傑此又不符見直標惠化即敷東
海郡封書幾動紫宸朝已知能事回天地坐遣休
徵及忝苗司馬家聲真不忝麟臺画擬逼雲霄

宿勾溪 在西安上三十里

一曲勾溪宿鷺藏
雨莎風竹淨山堂
柝聲暗逐灘聲轉
酒氣濃浮花氣香
詩句得來真造次
客懷開處豈尋常
科頭赤脚踈燈坐
自笑年來學楚狂

鼎馮方洲

眼前何處見于旄
歸去田園且息交
三徑甘于雙鬢改
百年悔却半生勞
誰言遠市無兼味
自種新蔬可當肴
真率會中容爾老
清風明月任吟嘲

壽卜雲峯

江城十月小春時
春酒初成壽我師
黃菊風香浮錦席
綵衣雲煖度金卮
一經已振斯文鐸
通隱應題長者居
百歲光陰今始半
年年願獻斗山詞

府江

府江烟水浩茫茫
派接荆柯萬里長
地險久為豺虎窟
時平未弛甲兵防
朝廷濊澤敷遐邇
節制先聲借雪霜
為語醜夷休亂紀
越裳重譯近來王
述懷用前韻

才薄魯無尺寸長
壯遊真憶飯家常
傳經此日違

心事按劍何人辨夜光白髮未悲生理拙青山偏
笑世途忙行披蘿薜還初服肯逐春情桃李妝

再次答雪汀

頗覺烟霞興味長未投簪紱為官常龍飛早際風
雲會鳳翥深依日月光身世百年絲感激舟車五
嶺只匆忙邇來鬢髮蕭蕭白笑與詩翁倩墨妝

王一山夜集次韻送雪汀

雲夜思秋話野汀沙平月白水泠泠即逢春到傾
新酒又送人行嘆轉萍百草含暉浮嫩綠千山過

雨送餘青何時更此論文賦懸榻遙看處士星

古蘿峽晚泊

羣峰截業亘長天雙旆悠悠引画舫遠客自驚霜
入鏡故人誰送酒如泉燈花藥簇蓮生暈硯沼雲
浮墨吐涎我欲題詩遣幽獨不禁秋夜雨和烟

送李思詡

年來寒谷見回春牧伯才名邁等倫蜀郡文翁宜
並駕潁川黃霸豈前身訓先德義推行漸風動閭
閻習尚淳擊壤極知恩所自此生欣作太平人

訪沙村不遇承謝我以詩兼雉一魚一次韻

奉答

薄暮空迴訪戴舟澹烟餘照滿平洲非關地主踰
垣避想到山家為鶴留白露蒹葭成獨感清秋風
月歎溪遊江魚野雉勞相饋雪夜王生有此否

陸九山轉官閩藩鹽運司副使之任間徑取
道還雲南其志不欲再出蓋抱一守雌以
完身養生為上者可謂知所重矣予與九
山雅相厚嘉是行詩以送之

昔年弭節碧雞雲愛爾才華迥不羣鵬鷲赤霄翻
勁翮芝蘭玄圃藹餘芬棲遲仕路成真隱叅悟玄
關若素聞我欲扳留問仙訣且停西棹倚斜曛

九日張三峰邀遊七星龍隱巖

洞口平臺十丈寬將軍開宴罄交懽前朝石刻餘
荒蘚斷壁藤梢罨短冠桂嶺香浮秋未老龍巖烟
鎖晚生寒酒闌還上東山頂佳景何妨帶月看

九日與姚雪汀聯句

與君杯酒共匆匆去國憂時感慨同何處清砧寒

送月一林幽竹晚含風題詩端惜年華改落帽非
關野興濃叢菊纖纖為誰好草堂故傍燭花紅

客有談西湖之勝者追和錢鶴灘韻

遙憶錢塘引興長西湖景色非尋常桃花李花闌
暮色千嶺萬嶺澄秋光岳王祠前忠義肅林仙亭
下輪蹄忙誰家遊女出新樣顧影自矜紅粉妝

下邳阻風奉石南

竟日風顛舡不開洪濤滾滾送奔雷直疑浪湧電
鼉出空羨雲翻鶴鶴迴圯下或逢黃石履糶前莫

作仲宣哀晚乘月色江天靜共爾深甌濁酒杯

舟中雜咏

清曉登車出 帝宸冷風晴日快蹄輪天恩似雨
臣如水流流出東南澤萬民

沿河小部七八里夾路居民四五家除夜老翁爭
勸酒新年小女笑簪花

醵酒馨香里巷傳行人車上口流涎金杯取醉君
休問纔得沾唇亦可憐

牛羊初日散衡門叟負墻暄膝抱孫此日太平真

氣象西村行過又東村

十里程途蒼莽間東阿纔見數重山鳥飛不盡我亦去雲在深巖長日閒

幾重山送幾重迎一日程兼兩日程應怕塵埃懶開口小城穿過不知名

康莊老人滿面春床頭喚我作官人三杯臘酒一盃菜禮數不多情却真

九里山頭頓解愁望中城郭是徐州清泉淨洗塵埃足坐我天風萬里舟

捨車鼓棹小江清山水彭城趣自成欲上黃樓拉波老月中騎鶴看滄瀛

呂梁雖險亦無他日日篙師笑且歌何似人心太無狀平常地上起風波

百步洪邊萬里身石頭浪裏最愁人白衣不到孤舟上自煮香茶賽水神

岸濶河流爛熳馳舟行到此費推移天涯日久歸心切一度逢灘一度遲

下邳風景接南徐人物山川伯業餘欲進當年黃

石履橋邊授我一編書

楊柳輕烟弄早春
雪晴新水綠粼粼
風帆飛走桃源縣
滾滾青山日送人

不分清流入濁流
寸膠惟向此中投
孤舟明月清江浦
應有高人作意愁

滾滾東南一道渾
天潢有脉出崑崙
滄溟此去無多路
更著辛勤日夜奔

淮水無風浪自生
鳥邊斜日晚山明
十年南北經過地
不盡中流擊楫情

漂母祠前夜泊船
鳥啼日落不成眠
千金一飯情何厚
不獨當時有母賢

水國春寒夜有冰
窺人明月透窓櫺
淮陰寺裏鐘聲早
喚起雲遊蓄髮僧

雪冷楊枝夢未醒
東風江上野梅馨
數聲柔櫓人初起
又過山陽十里亭

鷗立斷水流漸遠
柳藏殘雪冷猶凝
江天一日可千里
何處有欄吾欲凭

白雪孤峰明遠照
斷霞輕吹弄晴漪
江村古寺連

茅屋盡落先生有畫詩
冰玉平鋪甃社湖水
晶宮闕覆天吳中間
應有最深處藏著千
年明月珠
數年明月簇郵亭小
艇漁歸野水腥一路
東風嘶去馬土墻斜
出酒旗青
少婦携筐挑野菜老
翁敲火煮河魚三間
矮屋菰蒲內風景依
稀太古初
數聲歸鴈霜天靜幾
處青山雪景奇湖上
小姬呼飲酒舟中老
子坐吟詩

樹頭無葉寄秋聲湖
上層冰阻去程閏歲
東風遲十日可能為
客背春行

楊枝稍稍風光轉湖
水蕭蕭野色寒石鼎
煮茶延午榻瓦盆傳
菜當春盤

十日新年未領春孤
舟雪岸最傷神烏紗
頂上青天在不放東
風作主人

西北長風吹我舟一
杯茶罷過高郵白頭
浪子如天大應有蛟
龍在裏頭

田中蚊嘴利如針難
食千年烈女心薄暮
扁舟古

祠下海風江月共蕭森
風急漁家靜掩門
飢鳥啄食叫孤村
扁舟召伯官
亭下野日荒荒欲斷魂
城中簫鼓是誰家
河上旌旗擁客槎
煬帝龍舟今
寂寞東風遺恨寄瓊花
山頭城郭江心寺
吳越東南據上游
滄海對峰誰
對酒乾坤雙眼我
登樓
無錫山頭盡夜行
姑蘇城下月分明
半年南北雲
遊路祇有明朝一日程

桐江驛舟次燕峰韻

滾滾洪河晝夜東
風帆上下各匆匆
中流穩坐獨
無事誰識長年捩柁功

山棗驛次錢海石韻二絕

六月長車涉萬山
鏡中白髮點朱顏
迂踈若解終
南徑未必馳驅到此間
樹繞清溪月抱山
坐看雲起意俱閒
故園負郭田
雖少却有欣欣半畝蘭

七夕二首

月白天高玉露秋星河織女會牽牛一年愁緒今
宵盡明日新愁又起頭

東壁誰家小兒女穿針乞巧競相懽道人獨自愁
香坐試展南華月下看

觀蒼梧州演武場

戰場西傍蒼山麓落日霾雲鬼聞哭即今戢武旌
旆間草色青青映修竹

放竹魚

吾鄉自有槎頭玉此土誰珍竹色魚省却盤飧放

爾去滄江還待子孫餘

獨玩芙蓉次

試折秋花入座淡芳妍獨對硯池陰所思天遠因
誰寄默默空懸無限心

有感集杜句二首

園收芋栗未全貧何用浮名絆此身已恐伶俜十
年事正思戎馬淚沾巾

天時人事日相催欲問平安無使來跨馬出郊時
極目一生懷抱向誰開

槐思

槐樹陰陰翠雨垂
每思親處即相思
應知孝子栽培地
正是甘棠勿翦詩

贈王鰲川道人

子房山下相逢日
轉眼春光數十年
安得此身生羽翼
共君天路狎神仙

贈西虹

使君元是江東俊
出守名尊兩浙間
青史定知書姓字
九重今已慰天顏

幽意集杜句

清江一曲抱村流
萬里風烟接素秋
看弄漁舟移白日
浴鳥飛鷺晚悠悠

送郁文芳集杜句

會送夔龍集鳳池
密沽斗酒諧終宴
今年臘日凍全消
寒盡春生洛陽殿

同心不減骨肉親
於我見子真顏色
王孫善保千金軀
此別應須各努力

莫怪頻頻勸酒杯
山意衝寒欲放梅
紫氣關臨天

飛鴻集卷之三
地濶五雲多處是三台

天晴宮柳暗長春海鶴堦前鳴向人同學少年多
不賤蚤聞黃閣盡麒麟

跨馬出郊時極目忽憶西京梅發時三年奔走空
皮骨獨立蒼茫自咏詩

醉酒

金盤露煖百壺空清夜期君語笑同非向春光貪
酩酊只緣贏得狀元紅

細雨濃雲暎遠空孤舟春酒故人同簾外曉看楊

柳綠尊前晚對燭花紅

送聶教授歸田

拂衣長嘯風塵外且向青門學種瓜我欲留君君
不住恐看桃李滿城花

題小山并寫壽

天目高連海上山小山亦在白雲間主人傍此開
茅屋種得黃精巧駐顏

壽居雲溪

六十年來閱歲華時將食法試胡麻笑看玉樹春

風裏壽酒潑浮五色霞

題一峰贈醫

萬丈孤標紫翠封
青天開出玉芙蓉
傷人錯認東垣宅
近入崆峒第一峯

愛梅

為愛梅花不受塵
花開先占上林春
清風明月西湖畔
也學逋仙自隱身

戲促沈東園橘種

何用柔桑八百株
草堂願借木為奴
白華朱實秋

容好為問東園有也無

移芭蕉

泮水芭蕉數葉青
小齋分植散幽情
夜來詩思知多少
盡在蕭蕭風雨聲

贈愛泉

藥圃流泉歲月賒
涓涓春碧帶雲霞
憐君日向源頭坐
汲水閒烹石鼎茶

贈相士

西泚心傳唐舉術
閱人蹤跡遍江湖
不知清瘦如

予者麟閣當年畫有無

葵園

遙憶園葵十丈莢春風故國首頻回
深紅淺紫傾朝日總是而翁手自栽

西施菊

廣堂清宴促飛觴花近雕欄淡晚妝
不似吳王終日醉只教深苑舞霓裳

扇景

萬里乾坤一小舟柳陰深繫伴羣鷗
道人悟得先

天意坐翫蒼茫江水流

送鏡川入覲

碧樹黃花一水分小春天日氣氤氳
孤帆遠宿江城月五馬頻穿驛路雲
何武賢聲南國著倪寬課
寂聖朝聞比來廊廟需才急虛席懸封待使君
同姚雪汀王一山夜話追感偶得野雲秋思
雪汀夜話八字集成首句

雲夜思秋話野汀蓼紅蘋白水清冷細聽村笛吹
殘月靜看漁燈逐斷萍報主獨憐心膽赤逢時

猶及鬢毛青閒來又得今宵坐近鄣開堂帶曉星
夜行有感集杜句

秋風歛吸吹南國昨日晚晴今日黑愁看直北是
長安行路難行澁如棘

望九疑 以廣右大叅經此

近入黃村路遙從粵嶠還雲連五溪外雨渡九疑
間秋盡草花白林疎樹葉班停車問虞廟極目古
蒼山

壽吳山人八表

吳家山人仙府客骨清綠髮雙眸碧黃髮偏蒙九
轉春青蘿晚結芳洲宅神情原自法海生靈芝獨
向心田擘孤標自是非塵踪前生註定蓬瀛籍懸
弧正值朱明秋蟠桃花簇春常留養生妙契太乙
數廣成偓佺相遨遊問君住世幾年日繞向人間
稱八秩晶精晝見河伯宮銀潢夜照天磯石洞天
白蝠集瑤塵城東黃鶴窺玄室即今九重眷耆順
丹書來自飛龍翼堂前賀客仙氣多羽衣霞帔相
娑娑高歌裂石穿雲曲競進瑤樽元液和千歲奇

英披畫錦數聲清樂敷陽和願言天壽共平格海
屋從此籌森羅朝霞流灑飽元氣壺公橘老儔能
過廬穹隆兮基大塊為君歌此長生歌

